

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 37. stav (1) Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19) i Programa utroška sredstava Budžeta Zeničko-dobojskog kantona za poticaje u poljoprivredi za 2019. godinu, broj: 02-14-7731/19 od 07.05.2019. godine, na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 35. sjednici, održanoj dana 12.12.2019. godine d o n o s i

## **ODLUKU**

### **o odobravanju sredstava na ime podrške za opremanje hladnjača za skladištenje i čuvanje jagodičastog voća i povrća**

#### **Član 1.**

##### **(Predmet)**

Odobrava se isplata sredstava pravnim licima sa područja Zeničko-dobojskog kantona koji se bave proizvodnjom, zamrzavanjem i skladištenjem jagodičastog voća i povrća u iznosu od 42.810,00 KM (slovima: četrdesetdvijehiljadeosamstotinadeset konvertibilnih maraka) na ime podrške za opremanje hladnjača za skladištenje i čuvanje jagodičastog voća i povrća.

#### **Član 2.**

##### **(Analitička konta)**

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), sa razdjela 23 - Ministarstvo za poljoprivredu, šumarstvo i vodoprivredu, budžetska organizacija 01, potrošačka jedinica 0001, ekonomski kod 614400 subanalitika NAD 402, pozicija „Subvencije za podsticaj razvoja u poljoprivrednoj proizvodnji“.

#### **Član 3.**

##### **(Uplata sredstava)**

Odobrena sredstva iz člana 1. ove odluke isplatit će se iz sredstava C / Model kapitalnih ulaganja, Programa utroška sredstava Budžeta Zeničko-dobojskog kantona za poticaje u poljoprivredi za 2019. godinu, poljoprivrednim proizvođačima sa područja Zeničko-dobojskog kantona na transakcijske račune prema spisku sačinjenom na osnovu provjere ispunjenosti kriterija za dodjelu podrške, Poljoprivredne stručne službe Ministarstva za poljoprivredu, šumarstvo i vodoprivredu. Spisak poljoprivrednih proizvođača od rednog broja 1. do 2. sastavni je dio ove odluke.

#### **Član 4.**

##### **(Realizacija Odluke)**

Za realizaciju ove odluke zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

#### **Član 5.**

##### **(Stupanje na snagu)**

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-14-18235/19

Datum, 12.12.2019. godine

Z e n i c a

**PREMIJER**

**Mirza Ganić**

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x „Službene novine Zeničko-dobojskog kantona“,

1x a/a.

Spisak poljoprivrednih proizvođača koji su ispunili uslove za ostvarenje prava  
na novčanu podršku iz tačke C/ Kapitalna ulaganja,  
Podrška za opremanje hladnjača za skladištenje i čuvanje jagodičastog voća i povrća

	Naziv obrta i prezime i ime vlasnika	Iznos za isplatu (KM)
1	"Delta Trade" d.o.o. Zenica	12.810,00
2	"Frutti Funghi"d.o.o. Visoko	30.000,00
	UKUPNO:	42.810,00